


Nan Ko Remmõn



Bok in Wũno ñõn Ajiri



Ilo Allin̄ eo kein kajiljino in an Elizabeth bōroru, Anij ear jilkinlok enjel Gabriel ññ juñ jikin kwelok ilo Galilee, etan Nazareth. Ear bōklok nan ññ juñ *virgin* emwij an kallimur bwe enaj belek juñ emman etan Joseph, eo ej jen bwijjin David. Etan *virgin* eo Mary. Enjel eo ear itok ññ ibben Mary im ba, "Yokwe yuk! Irojij ej bed ibbam, im ear kejerammōn yuk!"

Mary ear kanuij lokjenan kin nan eo an enjel eo, im ear kalmenlokjen kin melemen nan ko an. Enjel eo ear ba ññe, "Mary, kwon jab mijak, bwe ebuñburuen Anij ibbam. Kwonaj bōroru im keotak nejūm man, im kwonaj likit etan Jesus. Enaj utiej im renaj naetan Nejin Anij Eutiejtata. Irojij Anij enaj kairoije einwōt kar jimman David, im enaj irojij ion ro bwijjin Jacob indrio; ailiñ eo an ejamin jemlok!" (Luke 1:26-33)

Mary ear ba, "Ña ri karejaran Irojij. En walok men in ññ iō einwōt am ba." Im enjel eo ear ilok jene. (Luke 1:38)



Joseph ear ilok jen Nazareth ilo Galilee, ñõn jikin David, etan Bethlehem, ilo Judea, kinke e ej jen bwijjin David. Ear ilok bwe en je etairro Mary, eo emwij an kallimur in beleke, im ebõroru. Ke rar bed i Bethlehem, ejejjjet ien eo bwe Mary en keotak. Im ear keotak manjien man. Ear kirboke kin nuknuk, im kababuki ilo juõn *manger** - kinke ejjelok jikier ilo imõn ruamaijet. (Luke 2:4-7)

*manger - nien mõñã an cow.




Jet *shepherd* ilo eneo, rar emmij ilo boñon eo im lale *sheep* ko air ilo melaj. Juon enjel in Iroj ear waloktok non ir, im wuj an Iroj ear romak ioir. Rar kanuij in mijak, ak enjel eo ear ba non ir, "Komin jab mijak! Bwe ij bokwōj non kom nan ko remmōn, renaj kanuij kalōñliñ armij otemjej. Boñnin elotak ami Ri Lomor ilo jikin kwelok an David - e Christ Iroj! Eñin men eo enaj kamol non kom: kom naj lo juon niñniñ emwij kirboke im ej babu ilo juon *manger*."

Im emōkaj an bwijin enjel ro jen lōñ waloktok ibben enjel eo, im rej al im nebar Anij,

"Aibuijuij non Anij ijo eutiejtata! Im ainemmōn ion lōl ibben armij ro ebuñburuen kin ir!" (Luke 2:8-14)

Ajiri eo ear rittolok im kajurlok; ear obrak kin jelãlokjen, im jerammõn an Anij ear bed ibben. (Luke 2:40)





Im John ear walok ilo ene jemadren, im baptaisi armij im kwalok nan ñõn ir. "Komin ukwelok im baptais, innem Anij enaj jeorlok jerawiwi ko ami," eindrein an kar jiroñ armij ro. Ir otemjej jen belakin Judea im jen jikin kwelok Jerusalem rar droijlok bwe ren roñjake John. Rar kwalok jerawiwi ko air im ear baptaisi ir ilo River Jordan.

John ear kõnaki nuknuk ko kõmmõn jen kolan *camel*, im kañõrñõr kin kilin *cow*; men ko kijen, locust im *honey* awia. Ear kennanik armij ro, "Eo ej itok elikũ elab an utiej jen ña; joñan, ibbet in jillok im jelate koran *shoes* ko an. Ij baptaisi kom kin dren, ak enaj baptaisi kom kin Jitõb Kwojarjar."

Elikin wõt jidrik ien Jesus ear itok jen Nazareth, juõn jikin ilo Galilee, im John ear baptais e ilo River Jordan. Ilo ien eo wõt Jesus ej ato jen dren eo, ej lo an lõñ bellok im Jitõb ej wõniõltak einwõt juõn mule im bed ion. Im ear roñ juõn ainikien jen lõñ, "Kwoj Nejũ jitenburu. Ebuñburuõ kin yuk." (Mark 1:4-11)



Innem Jesus ear wõnliñlok ion juõn tol im kirtok ñõn ibben ro ej aikwiji ir. Rar itok ñõn ibben im ear kãlet joñoul ruo ro ear naetair ri jilõk. Im ear ba ñõn ir, "Emwij aõ kãlet kom bwe komin bed ibba. Inaj bareinwõt jilkinlok kom bwe komin kwalok nan, im enaj wor ami maroñ in kajutaklok timon ro." (Mark 3:13-15)



Eor juõn emman jen jarin Pharisee ro, eo ej ri tel an ri Jew ro, etan Nicodemus. Juõn boñ ear itok ñõn ibben Jesus im ba, "Rabbi, kim jelä bwe kwe kwoj juõn ri kaki eo Anij ear jilkintok. Ejjelok en emaroñ kõmmõni jermal ko rellab kwoj kõmmõni elañe Anij ejjab bed ibben."

Jesus ear uak, "Ij ba ñõn yuk juõn men emol: ejjelok en emaroñ in lo Ailiñ in Anij elañe ejjab bar lotak."

Nicodemus ear kajjitök, "Ekijkan an juõn ritto maroñ bar lotak? Eban bar dreloñ ilojen jinen im bar lotak alen kein karuo!"

Jesus ear uak, "Ij ba ñõn yuk juõn men emol: ejjelok en emaroñ in dreloñ ilo Ailiñ in Anij elañe ejjab lotak kin dren im Jitöb Kwojarjar. Enwinnin armij ej lotak jen jinen im jemen, ak jitöbõn, armij ej lotak jen Jitöbõn Anij. (John 3:1-6)



Ran eo juõn Jesus
ear ilok ñõn juõn jikin
kwelok etan Nain;
ro ri kaloran im bwijin
armij rar etal ibbenlok.

Ien eo ej tõbraklok kejemin
jikin kwelok eo, juõn kiteltel in ilomij
ar drojtok. Armij eo emij ekar make wõt
nejin juõn kõrã emij leo belen, im bwijin armij
in jikin kwelok eo rar ilok ibben lio. Ke Irojij ej
lo lio, ear tiriamokake im ba ñõne, "Kwon jab jañ." Innem ear ilem uñur *box* eo
im ro rej bõke rebwijrak. Jesus eba, 'Likao en! Ij ba ñõn yuk, kwon jerkak!' Ri
mij eo ebar mour im jerkak im jino konono, im Jesus ear bar kejeblake ñõn
jinen.

Ir otemjej rar lokjenair im nebar Anij im ba, "Eor juõn ri kanan lablab ewalok
ibwiljid!" kab, "Anij ej iten lomoren ro dron!" (Luke 7:11-16)



Jesus ear reilok im lo jarlelju eo ej itok ñõn ibben, innem ear ba ñõn Philip, "Ia eo jemaroñ wia mõñã in kabwe aoleben armij rein?" (Ear ba men in bwe en melejjoñe Philip; ilo mol eo emwij an jelã men eo enaj kõmmõne.)

Philip ear uak, "Ñõn joñan oran armij in, bwe ren kajjiddrikdik kijen, enaj lablok jen \$200 ñõn wia *bread*." Andrew, bar juõn ian ro ri kaloran, jatin Simon Peter, ear ba, "Juõn laddrik ebed ijin, eor lalim *loaf* in *bread* kõmmõn jen *barley* ibben, kab ruo eek. Ak ta tokjeir ñõn armij rein relõñ?"

Jesus eba ñõn ir, "Kajijet armij rõn." (Eujoje ijo.) Innem aoleb armij ro rar jijet; oran emman ro enañin 5,000. Jesus ear bõk *bread* ko, im kammolol Anij, im ajeji ñõn armij ro rej jijet. Ear bar kõmmõn einwõt kin eek ko, im rar mõñã ñõn ke remat. Ke ir otemjej rar mat, ear ba ñõn ro ri kaloran, "Aini bwen mõñã kane; en ejjelok jidrik men en jej jerwane." Innem rar aini aoleben bwen mõñã ko, im rar kane joñoul ruo ieb kin mõttan *loaf* ko lalim matin armij ro.

Ke armij ro rar lo jerbak in elab Jesus ear kõmmõne, rar ba, "Emol bwe e in Ri Kanan eo enaj kar itok ñõn lõi!" (John 6:5-14)



Ke ejota, ro ri kaloran rar wõnlõllok ñõn lomalo eo, im rar iuwe ion juõn wa im bar tarlok ñõn Capernaum. Ejok marok eo, ak Jesus ejjañin itok ñõn ibbeir. Im kiõ ebuñ juõn kõto elab im ellab no. Ke ri kalor ro rar aõnõn enañin jilu ak emen *mile*, rar lo an Jesus etetal ion lomalo im kaioklok wa eo, im elab air lelõõñ. Jesus eba ñõn ir, "Komin jab mijak. Ñae!" Innem rar kõnan ektake na iwa eo; im emõkaj an wa eo tõbar eneo rar kaioklok. (John 6:16-21)




Jet armij rar bōktol ajiri ro reddrik ñõn Jesus bwe en uñur ir, ak ro ri kaloran rar lu armij ro. Ke Jesus ar loe, ear illu im ba ñõn ro ri kaloran, "Komin kōtlok bwe ajiri ro ren itok ñõn ibba! Jab bōbraik ir, bwe Ailiñ in Anij ej an ro einwõt ir. Komin kememej! Bwe jabdrewõt eo ejjab bōk Ailiñ in Anij einwõt juõn ajiri edrik, ejamin dreloñ ie." Innem ear atbakwoj ajiri ro, im likit bein ioir kajjojo im kejerammõn ir. (Mark 10:13-16)



"Ña *shepherd* eo emmõn. *Shepherd* eo emmõn ej lelok an mour kin *sheep* ko." (John 10:11)

Sheep ko aõ rej roñjake ainikiõ; ijelã ir, im rej lor io. Ij lelok ñõn ir mour indrio, im rejamin mij; im ejjelok en emaroñ in bõk ir jen iõ. (John 10:27-28)



Innem Pharisee ro im *priest* ro reutiej rar kweloklok ibben Council eo im ba, "Jey et kiõ? Ekanuij lõñ jermal ko rellab lein ej kõmmõni! Elañe jey kötlok an wõnmanlok wõt ilo wāwen kein, armij otemjej renaj tōmak e, im ri utiej ro an Rome renaj elloetak im rube Temple eo im kejebeblok ailiñ in ad!"


Juõn iair, etan Caiaphas, eo ej Priest Lablab ilo yiõ eo, ear ba, "Lõma, kom nañin jaje! Ta, komij jañin kile bwe enaj emmõnlok ñe emij juõn armij kin aoleb, jen an jebeblok ailiñ in ke?" Ilo mol, lemnak in ear jab jen e make; ak kin an kar Priest Lablab ilo yiõ eo, ej kanane an Jesus naj mij kin ri Jew ro, im jab kin ir wõt, ak bareinwõt bwe en kobaik ro nejin Anij otemjej rejjeblõklõk bwe ren juõn wõt. Innem jen ran eo im etal, ri tel ro an ri Jew rar bebe in mõn Jesus. (John 11:47-53)



Ke ear jok marok eo, Jesus im ro ri kaloran rar kejota. Ilukõn kejota eo, Jesus ear ba, "Ij ba ñõn kom, juõn iami enaj ketak iõ."

Ri kalor ro rar kanuij inebata im jino air kajitõkini, juõn illok juõn, "Iroi, ejab eban ña eo?"


Jesus ear uak, "Eo ej kattu ibba ilo *plate* e aõ ej armij eo enaj ketake iõ.
(Matthew 26:20-23)



Rar bar añinlok ruo ibben, irro jimor ri nana, bwe ren mōn ir ibben Jesus. Ke rar tōbar jikin eo rej naetan "Lat in Bar" rar drilaik Jesus na ion drebwel, kab ri nana ro ruo, juōn ianbwijmaroñin im juōn ianmiñin. (Luke 23:32-33)


Juōn ian ri nana ro rej ettoto ilo drebwel ko, ear jeklebe Jesus, "Kwojjab Messiah ke? Kwon lomoren yuk make kab kimro!" Bōtab eo juōn ear kauwe im ba, "Kwojjab mijak Anij ke? Jej bed ijin kin juōn wōt liakelok. Ñōn kij ejimwe, bwe jej bōk leen men ko jaar kōmmōni; ak e, ejjelok bwid en ear kōmmōne." Im ear ba ñōn Jesus, "Jesus, kwon kememej iō ñe kwonaj bar itok ilo am Iroj Lablab!"

Jesus ear ba ñōne, "Ij jiroñ yuk, rainin kwonaj bed ibba ilo Paradise." (Luke 23:39-43)





Ke eraleb, al ear jakolok im emarok aoleben ailiñ eo iumin jilu awa; im rōñōi nuknuk eo iloan Temple eo ear botak ilo ruo mōttan. Jesus ear lamōj im ba, "Jema, ij lewōj aaō ilo beiūm!" Ear ba men in im mij.

Kaben in jarin tarinae eo ear lo men eo ear walok, im ear nebar Anij im ba, "Emol bwe lein ewānik!" (Luke 23:44-47)





A. S. Anderson



Ke ej ejjota, juõn ri mweie jen Arimathea ear tõkãktok ijo, etan in Joseph, ekar bareinwõt juõn ri kaloran Jesus. Ear jedrelok ñõn ibben Pilate im kajjitõk kin enbwinnin Jesus. Pilate ear kemelim air lelok enbwinnin ñõn Joseph. Innem Joseph ear bõke im kitimi kin juõn *sheet linen* kãl, im likiti ilo lub eo an make im ej kab mwij an kõbiji ilo tol eo edrekãke. Ear kedrebillok juõn drekã kilebleb na imejen lub eo, innem jeblak. Mary Magdalene im Mary eo juõn rej jijet ijo im reilok ñõn lub eo. (Matthew 27:57-61)



Ke ej jimmarok ilo ran in Sunday, kōrã ro rar etal ñõn lub eo im bōklok toloj ko rar keboji. Rar lo bwe ejman eo edrebillok jen mejen lub eo, im rar etal wõt im dreloñlok iloan; ak rar jab lo enbwinnin Jesus. Rar jutak wõt im kejeklokjen, im ejidrimkij an ruo emman jutak iturier im rej kōnak nuknuk ko rejjatōltōl. Kōrã ro rar jillok kin air lelñoñ ke lõma ro rej ba ñõn ir, 'Ta unin ami bukõt juõn eo emour ibwiljin ri mij ro? Ejako ijin; emwij an jerkakbije. Komin kememej nan eo ear ba ñõn kom ke ear bed ilo Galilee: 'Aikwij in ketak Nejin Armij ñõn ro ri jerawiwi, im drilaiki ilo drebwel, im jerkakbije ilo ran eo kein kajilu.'"
Im kōrã ro rar ememej nan ko an. (Luke 24:1-8)



Rar mōkaj in jutak im jeblak ññon Jerusalem, ijo rar lo ri kalor ro joñoul juñ im ro jet ibbeir rej ba, 'Iroj elukkun jerkakbije! Emwij an Simon loe!"

Lōma ro ruo rar kemeleleik ir kin men eo ear walok ilo ial eo air lok, im kin air kar kile Iroj ke ear ruje *bread* eo.

Ke rej konono wōt, Jesus make ear jutak iolabeir im ba ññon ir, "Ainemmōn en bed ibbemi."

Rar obrak kin mijak im lelñon bwe rar lemnak rej lo juñ timon. Ak ear ba ññon ir, "Etke komij inebata? Etke komij bere ilo ami lemnak? Lale mōk beiñ im neiñ im kom naj lo bwe ña e. Komin uñur iñ im kom naj lo, bwe juñ timon ejjelok kanniekin kab drin einwōt komij lo an wor ibba."

Ear ba men in innem ear kwalok ññon ir bein im neen. (Luke 24:33-40)



Im ear ba ñõn ir, "Eñin men eo emwij je: bwe Messiah eo en iñtan, im jerkakbije ilo ran eo kein kajilu, im ilo etan ej aikwij in kwalok nan eo kin ukwelok im kin jeorlok jerawiwi ñõn ri ailiñ otemjej, jino jen Jerusalem. Kom eo komij ri kennan kin men kein. (Luke 24:46-48)

Innem ear añinlok ir jen jikin kwelok eo ñõn Bethany, ijo ear kotak bein im kejerammõn ir ie. Ke ear kejerammõn ir ear weakliñlok jen ir ñõn lõñ. (Luke 24:50-51)

Bwe joñan an Anij yokwe lõl, ear letok Nejin eo ej make wõt, bwe jabdrwõt eo ej tõmak ilo e en jab jako, ak en mour indrio. Bwe Anij ear jab jilkintok Nejin ñõn lõl bwe en ekajete armij, ak bwe en lomoren ir.

Ejjelok ekajet ñõn eo ej tõmak Nejin, bõtab jabdrewõt eo ejjab tõmak emwij ekajete, kinke ear jab tõmak eo ej make wõt Nejin Anij. (John 3:16-18)

Elañe jej ba ejjelok ad jerawiwi, jej make mone kij im ejjelok mol ilo kij. Ak elañe jej kwalok jerawiwi, ko ad ñõn Anij, enaj kõmmõn jimwe im drebij wõt kallimur eo an: enaj jeorlok jerawiwi ko ad im karreoik kij jen bwid ko ad otemjej. (1 John 1:8-9)

Jesus ear uake, "Ña ij ial eo, im mol eo, im mour eo. Ejjelok en ej ilok ñõn ibben Jema elañe ejjab kin ña." (John 14:6)

"Komin itok ñõn ibba, kom otemjej ro remõk kin air inek men ko reddro, im inaj kakkijeik kom. Komin bõk aõ ine im likit iaerami, im katak ibba, bwe ij inemmõn im ettã buru; im kom naj lo ami kakkije. Bwe ine eo ij lewõj ebidrodro, im men eo kom naj ineke emera." (Matthew 11:28-30)

Jesus ear kõmmõn bar elõñ jermal ko rellab iman mejen ro ri kaloran, ko rar jab jeje ilo *book* in. Emwij jeje men kein bwe komin tõmak bwe Jesus ej Messiah eo, Nejin Anij, im ilo ami tõmak men in, kom maroñ bõk mour ilo etan. (John 20:30-31)

"Ña Alpha im Omega, maktata im eliktata, jinoin im jemlokin." (Revelation 22:13)





Jar in ekwalok ke kōnan eo an būruom? Ñe ej kwalok, jar kin jar in im Jesus enaj itok ilo būruom einwōt An kar kalimur:

"Iroj Jesus, I jela ke ña rijerawiwi im aikwiji Yok ilo mour eo aō. Ij kamolol Yok kin Am kar mij ion drebwel eo bwe Kwon jolok jerawiwi ko aō. Kamolol Yok kin jerlok jerawiwi ko aō im letok ññn iō mour in dreo. Ij kir tok Yok ññn mour eo aō einwōt juñn Ri Lomor im Iroj. Joij im kōjebwebweik mour eo aō. Ilo etam, Jesus. Amen."

Etam _____

Ran eo _____

Ri Pija: Linda Riddell

Copyright © 1998 jen Little Palm Press
Jab kōmōn copy ñe ejelok melim jen Little Palm Press

Kōmōn in:
Little Palm Press
P.O. Box 541215
Merritt Island, Florida
32954-1215

Marshalese

